



SLUŽBENE NOVINE TUZLANSKOG KANTONA

GODINA 7 • TUZLA, SUBOTA 23. DECEMBAR/PROSINAC 2000. GODINE • IZDANJE NA BOSANSKOM I HRVATSKOM JEZIKU • BROJ 17

587

Na osnovu poglavlja IV, odjeljak B, člana 33. stav 1. tačka e) Ustava Tuzlanskog kantona, donosim

UKAZ

O PROGLAŠENJU ZAKONA O VLADI TUZLANSKOG KANTONA

Proglašava se Zakon o Vladi Tuzlanskog kantona, koji je donijela Skupština Tuzlanskog kantona na sjednici od 2. 11. 2000. godine.

Broj: 01/1-02-1789/00
Tuzla, 08. 11. 2000. g.

Predsjednik
Tuzlanskog kantona
Dr. Tarik Arapčić, v.r.

ZAKON

O VLADI TUZLANSKOG KANTONA

I. OPĆE ODREDBE

Član 1.

Ovim Zakonom se utvrđuje nadležnost i sastav Vlade Tuzlanskog kantona (u daljem tekstu: Vlada), uređuje organizacija, način rada i odlučivanja Vlade, utvrđuju prava i dužnosti članova Vlade, kao i druga pitanja od značaja za rad Vlade.

Član 2.

Vlada je organ Tuzlanskog kantona (u daljem tekstu: Kantona), koji vrši izvršnu vlast Kantona u skladu sa Ustavom Kantona, ovim Zakonom i drugim propisima.

Član 3.

Sjedište Vlade je u Tuzli.

Član 4.

Unutrašnja organizacija i način rada Vlade i radnih tijela Vlade, odnos Vlade prema Skupštini, predsjedniku Kantona i kantonalnim organima uprave u izvršavanju poslova iz svoje nadležnosti, način ostvarivanja javnosti rada Vlade, kao i druga pitanja od značaja za rad Vlade, bliže se uređuju Poslovníkom o radu Vlade, u skladu sa Ustavom Kantona, zakonima i drugim propisima Kantona.

II. NADLEŽNOST VLADE

Član 5.

Vlada je nadležna za:

- provodjenje kantonalne politike, predlaganje i izvršavanje kantonalnih i drugih propisa;
- izvršavanje odluka kantonalnih ili federalnih sudova i vršenje drugih nadležnosti povjerenih Kantonu od federalnih vlasti;
- pripremu prijedloga budžeta;
- osiguranje saradnje Vlade i ombudsmena;
- osiguranje da nacionalna struktura policije odražava nacionalnu strukturu stanovništva Kantona, s tim da nacionalna struktura policije svake općine mora odražavati nacionalnu strukturu stanovništva te općine;
- izvršenje ovlaštenja i obaveza po osnovu državnog kapitala u preduzećima, koja imaju u cjelini ili pretežno državni kapital, a nisu na listi preduzeća prema kojima po tom osnovu ovlaštenja i obaveze vrše organi Federacije Bosne i Hercegovine te, s tim u vezi, imenuje i razrješava članove upravnog odbora, na prijedlog nadležnog ministarstva i daje saglasnost na imenovanje direktora tih preduzeća;
- rješavanje o žalbama izjavljenim protiv prvostepenih rješenja kantonalnih organa uprave i ustanova donesenih na osnovu zakona i drugih propisa Kantona i
- vršenje drugih nadležnosti utvrđenih Ustavom i drugim propisima.

Član 6.

Vlada upravlja imovinom Kantona, ako zakonom nije drugačije određeno.

III. SASTAV I ORGANIZACIJA VLADE

Član 7.

Vlada ima 13 članova, a čine je:

- predsjednik Vlade,
- ministar unutrašnjih poslova,
- ministar pravosuđa i uprave,
- ministar obrazovanja, nauke, kulture i sporta,
- ministar prostornog uređenja i zaštite okolice,
- ministar finansija,
- ministar industrije, energetike i rudarstva,
- ministar trgovine, turizma i saobraćaja,
- ministar poljoprivrede, šumarstva i vodoprivrede,
- ministar zdravstva,
- ministar za rad i socijalnu politiku,

- ministar za obnovu, razvoj i povratak i
 - ministar za boračka pitanja.
- Ministar rukovodi radom resornog ministarstva.

Član 17.

Sekretar Vlade odgovara za svoj rad Vladi i predsjedniku Vlade.

Član 8.

Predsjednika Vlade imenuje predsjednik Kantona, a imenovanje potvrđuje Skupština Kantona (u daljem tekstu: Skupština).

Ministra imenuje predsjednik Kantona, nakon konsultacije sa predsjednikom Vlade ili kandidatom za funkciju predsjednika Vlade, a imenovanje potvrđuje Skupština.

Član 9.

Sastav Vlade odražava nacionalni sastav stanovništva Kantona kao cjeline, a u svakom slučaju osigurava zastupljenost konstitutivnih naroda.

Član 10.

Predsjednik Vlade i ministar stupaju na dužnost nakon davanja svečane izjave u Skupštini.

Član 11.

Konstituirajuću sjednicu Vlade saziva predsjednik Vlade u roku od sedam dana od potvrđivanja imenovanja predsjednika Vlade i ministara.

Vlada se može konstituisati ako je potvrđeno imenovanje predsjednika Vlade i najmanje dvije trećine od ukupnog broja ministara.

Mandat Vlade traje dvije godine od dana konstituisanja Vlade.

Član 12.

Vlada se može smijeniti odlukom predsjednika Kantona, koju potvrđuje Skupština ili izglasavanjem nepovjerenja Vladi, većinom glasova u Skupštini.

Član 13.

Predsjednik Kantona može razriješiti predsjednika Vlade, a razrješenje potvrđuje Skupština.

Predsjednik Kantona, na prijedlog predsjednika Vlade, može razriješiti pojedinog ministra.

Član 14.

Vlada Kantona, predsjednik Vlade ili ministar, mogu dati ostavku predsjedniku Kantona i Skupštini.

O podnesenoj ostavci odlučuje predsjednik Kantona, a odluku potvrđuje Skupština.

Član 15.

Prava i obaveze predsjednika Vlade i ministara, za vrijeme vršenja njihove funkcije, koja nisu uređena ovim Zakonom i drugim propisima, uređuje predsjednik Kantona odlukom.

Član 16.

Vlada ima sekretara, koga postavlja i razrješava Vlada, na prijedlog predsjednika Vlade.

Sekretar Vlade postavlja se na period od dvije godine.

Član 18.

Sekretar Vlade, po isteku vremena na koje je postavljen, odnosno u slučaju razrješenja, ostvaruje svoja prava i obaveze iz radnog odnosa shodno propisima koji se odnose na rukovođe službenike u kantonalnim organima uprave.

O pravima i dužnostima iz radnog odnosa sekretara Vlade, odlučuje predsjednik Vlade.

IV. NAČIN RADA I ODLUČIVANJA VLADE

Član 19.

Predsjednik Vlade rukovodi radom Vlade i odgovoran je za njen rad, osigurava jedinstvo u izvršavanju poslova iz nadležnosti Vlade, ostvaruje saradnju sa organima Kantona i drugim organima i ustanovama, usmjerava djelovanje Vlade kao cjeline i članova Vlade pojedinačno, te vrši i druge poslove utvrđene Ustavom Kantona i drugim propisima.

Predsjednik Vlade potpisuje akte Vlade.

Predsjednik Vlade, u slučaju njegove odsutnosti ili spriječenosti da vrši funkciju predsjednika Vlade, zamjenjuje ministar finansija.

Član 20.

Vlada radi i odlučuje u sjednicama.

Vlada može zasjedati i odlučivati ako sjednici prisustvuje više od polovine članova Vlade.

Vlada odlučuje većinom glasova svih članova Vlade.

Član 21.

Za razmatranje pitanja iz nadležnosti Vlade, davanje prijedloga i mišljenja o tim pitanjima, vršenje određenih poslova i zadataka za provođenje zaključaka Vlade, kao i za vršenje drugih poslova, Vlada može obrazovati stalna i povremena radna tijela (savjete, komisije, radne grupe i drugo).

Sastav, djelokrug i druga pitanja u vezi sa radom radnih tijela iz stava 1. ovog člana, uređuju se Poslovníkom o radu Vlade, odnosno aktom o njihovom obrazovanju.

Član 22.

Za rješavanje u upravnom postupku i odlučivanje o drugim pojedinim pitanjima iz svoje nadležnosti, Vlada može obrazovati komisiju.

V. PRAVA I DUŽNOSTI ČLANOVA VLADE

Član 23.

Članovi Vlade imaju pravo i dužnost da predlažu pretresanje pojedinih pitanja na sjednici Vlade, učestvuju u pretresanju i odlučivanju o pitanjima o kojima se raspravlja na sjednicama Vlade, pripremaju propise iz nadležnosti Vlade, učestvuju u radu radnih tijela Vlade i vrše i druge poslove iz nadležnosti Vlade, u skladu sa ovim Zakonom i drugim propisima.

Član 24.

Članovi Vlade mogu predložiti Vladi da zauzme stav o pitanjima od značaja za provođenje utvrđene politike i izvršavanje zakona i drugih propisa.

Član 25.

Članovi Vlade su odgovorni za provođenje zaključaka Vlade u poslovima koje im Vlada povjeri, kao i za blagovremeno pokretanje inicijative za rješavanje pitanja u okviru zadataka koje im je povjerila Vlada.

Član 26.

Članovi Vlade, određeni da učestvuju u radu drugog organa i tijela, dužni su postupati u skladu sa ovlaštenjima, smjernicama i stavovima Vlade.

Članovi Vlade su dužni svoju aktivnost ostvarivati tako da, pored poslova za koje su resorno zaduženi, učestvuju i u rješavanju i drugih pitanja iz nadležnosti Vlade i da svojim prijedlozima i mišljenjima doprinose odgovornom, zakonitom i efikasnom radu Vlade.

Član 27.

Članovi Vlade ne mogu biti krivično gonjeni niti odgovorni u građanskom postupku za bilo koju radnju učinjenu u vršenju svoje funkcije.

VI. AKTA VLADE

Član 28.

U ostvarivanju svojih ovlaštenja, Vlada donosi uredbu, odluku, rješenja i zaključke.

Član 29.

Uredbom se uređuju najvažnija pitanja iz nadležnosti Vlade, bliže uređuju odnosi za provođenje zakona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade, osniva ured, služba, kabinet i dr., daje saglasnost ili potvrđuju akti drugih organa i organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima kao i o drugim pojedinačnim pitanjima iz nadležnosti Vlade.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi i određuju zadaci organima uprave i službama, kao i radnim tijelima Vlade.

Zaključkom se odlučuje i u drugim slučajevima u kojima se ne donose drugi akti.

Član 30.

Uredbe Vlade objavljuju se u "Službenim novinama Tuzlanskog kantona", a ostali akti, ukoliko to Vlada tim aktom odredi.

VII. JAVNOST RADA VLADE

Član 31.

Rad Vlade je javan.

Vlada obavještava javnost o svome radu, kao i o značajnim pitanjima koja su razmatrana ili će biti razmatrana na sjednici Vlade.

Član 32.

Obavještavanje javnosti o radu Vlade vrši se u skladu sa propisima o informisanju i Poslovníkom o radu Vlade.

VIII. SLUŽBE VLADE

Član 33.

Za obavljanje određenih stručnih, tehničkih i drugih poslova za potrebe Vlade, Vlada može osnovati ured, službu, kabinet i dr.

Za vršenje određenih zajedničkih poslova za potrebe Vlade, kantonalnih organa i upravnih ustanova, Vlada može osnovati zajedničku službu.

Aktom o osnivanju ureda, službe, kabineta i dr., utvrđuje se njihov djelokrug rada, rukovođenje i druga pitanja od značaja za njihov rad.

IX. PRIJELAZNE I ZAVRŠNE ODREDBE

Član 34.

Kantonalni zakoni i drugi kantonalni propisi o organizaciji kantonalnih organa uprave i upravnih ustanova, uskladit će se sa odredbama ovog Zakona, u roku od tri mjeseca od dana stupanja na snagu ovog Zakona.

Član 35.

Danom stupanja na snagu ovog Zakona prestaje da važi Zakon o Vladi Tuzlanskog kantona ("Službene novine Tuzlansko-podrinjskog kantona", broj: 2/94., 4/95. i 9/96. i "Službene novine Tuzlanskog kantona", broj: 4/00.).

Član 36.

Ovaj Zakon stupa na snagu osmog dana od dana objavljivanja u "Službenim novinama Tuzlanskog kantona".

Bosna i Hercegovina
Federacija Bosne i Hercegovine
TUZLANSKI KANTON
Skupština
Broj: 01-011-371-14/00
Tuzla, 2. 11. 2000. godine

Predsjednik
Skupštine Tuzlanskog kantona,
Dr. Izet Žigić, v.r.

587

Na temelju poglavlja IV, odjeljak B, članka 33. stavak 1. točka e) Ustava Tuzlanskog kantona, donosim

UKAZ**O PROGLAŠENJU ZAKONA O VLADI
TUZLANSKOG KANTONA**

Proglašava se Zakon o Vladi Tuzlanskog kantona, koji je donio Sabor Tuzlanskog kantona na sjednici od 2. 11. 2000. godine.

Broj: 01/1-02-1789/00
Tuzla, 08. 11. 2000. g.

Predsjednik
Tuzlanskog kantona
Dr. Tarik Arapčić, v.r.

ZAKON**O VLADI TUZLANSKOG KANTONA****I. OPĆE ODREDBE**

Članak 1.

Ovim Zakonom se utvrđuje nadležnost i sastav Vlade Tuzlanskog kantona (u daljem tekstu: Vlada), uređuje organizacija,



SLUŽBENE NOVINE TUZLANSKOG KANTONA

GODINA 12 • TUZLA, ČETVRTAK, 17. OŽUJAK 2005. GODINE • IZDANJE NA HRVATSKOM JEZIKU • BROJ 1

1

Na temelju članka 24. stavak 1. točka c) Ustava Tuzlanskog kantona ("Službene novine Tuzlansko-podrinjskog kantona", br. 7/97 i 3/99 i "Službene novine Tuzlanskog kantona", br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici od 31. 1. 2005. godine, donosi

ZAKON

O IZMJENAMA I DOPUNAMA ZAKONA O VLADI TUZLANSKOG KANTONA

Članak 1.

U Zakonu o Vladi Tuzlanskog kantona ("Službene novine Tuzlanskog kantona", broj 17/00), u članku 1. iza riječi: "(u daljnjem tekstu: Vlada)," dodaju se riječi: "nadležnost premijera Kantona (u daljnjem tekstu: premijer)".

Članak 2.

U članku 4. iza riječi: "Skupštini" zarez i riječi: "predsjedniku Kantona" brišu se.

Članak 3.

Članak 5. mijenja se i glasi:

"Vlada je nadležna za:

- provedbu kantonalne politike, predlaganje i izvršavanje kantonalnih zakona, drugih propisa i odluka i zaključaka Skupštine Tuzlanskog kantona;
- imenovanje Kantonalnog pravobranitelja i zamjenika Kantonalnog pravobranitelja;
- izvršavanje odluka sudova;
- obavljanje svake druge nadležnosti povjerene Kantonu od federalne vlasti;
- pripremu prijedloga proračuna;
- osiguranje suradnje između Vlade i ombudsmana;
- stvaranje uvjeta za ostvarivanje i zaštitu ljudskih prava i poduzimanje mjera u slučajevima njihovog kršenja;
- nadzor nad kantonalnom policijom;
- osiguranje da kantonalna struktura policije odražava nacionalnu strukturu stanovništva Kantona, s tim da nacionalna struktura policije svake općine mora odražavati nacionalnu strukturu stanovništva te općine;
- zalaganje za proporcionalnu zastupljenost pripadnika konstitutivnih naroda u kantonalnim organima uprave;

k) staranje o ostvarivanju suradnje sa izvršnim organima Bosne i Hercegovine, Federacije Bosne i Hercegovine, drugih kantona i općinama;

l) izvršenje ovlaštenja i obveza po osnovu državnog kapitala u poduzećima, koja imaju cjelovito ili pretežito državni kapital, a nisu na listi poduzeća prema kojima po tom temelju ovlaštenja i obveze obavljaju organi Federacije Bosne i Hercegovine te, s tim u svezi, imenuje i razrješava članove upravnog odbora, i daje suglasnost na imenovanje ravnatelja tih poduzeća, sukladno zakonu i drugim propisima;

m) rješavanje o žalbama izjavljenim protiv prvostupanjskih rješenja kantonalnih organa uprave i ustanova donesenih na temelju zakona i drugih propisa Kantona, i

n) obavljanje drugih nadležnosti utvrđenih Ustavom Kantona i drugim propisima".

Članak 4.

U članku 7., stavku 1., alineji 1. riječi: "predsjednik Vlade" zamjenjuju se riječju: "premijer", kao i u daljnjem tekstu Zakona u odgovarajućem padežu.

Stavak 2. mijenja se i glasi:

"Ministar rukovodi i snosi punu odgovornost za rad resornog ministarstva".

Članak 5.

Članak 8. mijenja se i glasi:

"Kandidata za mjesto premijera imenuje predsjednik Skupštine Tuzlanskog kantona u konzultaciji sa zamjenicima predsjednika.

Kandidat za mjesto premijera, odnosno premijer predlaže ministre.

Vladu, odnosno ministre, potvrđuje Skupština Tuzlanskog kantona (u daljnjem tekstu: Skupština) većinom glasova".

Članak 6.

Članak 9. mijenja se i glasi:

"Sastav Vlade odražava proporcionalnu zastupljenost konstitutivnih naroda i pripadnika ostalih. Kao ustavni princip takva proporcionalna zastupljenost bazirat će se na popisu stanovništva iz 1991. godine, dok se Aneks 7. Općeg okvirnog sporazuma za mir u Bosni i Hercegovini u potpunosti ne provede".

Članak 7.

Članak 10. mijenja se i glasi:

"Vlada preuzima dužnost nakon potvrđivanja od strane Skupštine.

Premijer i ministri daju svečanu izjavu u Skupštini".

Članak 8.

U članku 11. u stavku 3. riječ: “dvije” zamjenjuje se riječju: “četiri”.

Članak 9.

Članak 12. mijenja se i glasi:
“Skupština može smijeniti Vladu ili pojedinog ministra.
Premijer može predložiti smjenu pojedinog ministra”.

Članak 10.

Članak 13. mijenja se i glasi:
“Premijer je odgovoran Skupštini.
Ministri odgovaraju premijeru i Skupštini”.

Članak 11.

Članak 14. mijenja se i glasi:
“Vlada podnosi ostavku ako joj u bilo koje vrijeme Skupština izglasa nepovjerenje.

Premijer ili svaki član Vlade pojedinačno mogu dati ostavku Skupštini.

Prihvatanjem ostavke premijera od strane Skupštine, prestaje mandat Vlade”.

Članak 12.

Članak 15. mijenja se i glasi:
“Premijer predstavlja i zastupa Kanton, i šef je kantonalne izvršne vlasti.

Premijer je nadležan za:

a) potpisivanje i ratifikovanje međunarodnih sporazuma u ime Kantona, koje odobrava Skupština, uz prethodnu suglasnost Parlamentarne skupštine Bosne i Hercegovine i Parlamenta Federacije Bosne i Hercegovine, osim sporazuma one vrste za koje, po zakonu, nije potrebna suglasnost Parlamentarne skupštine Bosne i Hercegovine;

b) provedbu politike i izvršavanje kantonalnih zakona i drugih propisa uključujući osiguranje izvršena odluka sudova, kao i predlaganje donošenja kantonalnih zakona i drugih propisa;

c) podnošenje zahtjeva Ustavnom sudu Federacije Bosne i Hercegovine radi utvrđivanja da li je Ustav Kantona i amandman na Ustav Kantona, predloženi zakon ili zakon koji je usvojila Skupština, sukladan Ustavu Federacije Bosne i Hercegovine;

d) podnošenje zahtjeva Ustavnom sudu Federacije Bosne i Hercegovine radi utvrđivanja da li je predloženi ili usvojeni propis koji donosi organ kantonalne ili općinske odnosno gradske vlasti, sukladan Ustavu Federacije Bosne i Hercegovine;

e) staranje o ostvarivanju suradnje sa organima izvršne vlasti Bosne i Hercegovine, Federacije Bosne i Hercegovine, drugih kantona i općinama;

f) druga pitanja utvrđena Ustavom Kantona i drugim propisima Kantona;

g) izvršavanje i drugih poslova koje mu povjeri Skupština.

Pored nadležnosti iz prethodnog stavka, premijer predsjedava i rukovodi radom Vlade i odgovoran je za njen rad, osigurava jedinstvo u izvršavanju poslova iz nadležnosti Vlade, usmjerava djelovanje Vlade kao cjeline i članova Vlade pojedinačno, odlučuje o pravima i obvezama ministara i tajnika Vlade, ukoliko posebnim propisom nije drugačije uređeno, te obavlja i druge poslove utvrđene zakonom i drugim propisima”.

Članak 13.

Članak 16. mijenja se i glasi:
“Vlada ima tajnika koga, na prijedlog premijera, postavlja i razrješava Vlada sukladno zakonu”.

Članak 14.

Članak 18. briše se.

Članak 15.

Članak 19. briše se.

Članak 16.

U članku 20. stavak 3. mijenja se i glasi:
“Vlada odlučuje prostom većinom glasova članova Vlade prisutnih na sjednici”.

Iza stavka 3. dodaju se stavci 4. i 5. koji glase:

“Premijer potpisuje akte Vlade.

Premijera, u slučaju njegove izočnosti ili spriječenosti da predsjedava i rukovodi radom Vlade, zamjenjuje ministar financija”.

Članak 17.

Članak 25. mijenja se i glasi:

“Ministri su odgovorni premijeru za provedbu Programa rada i zaključaka Vlade u poslovima koje im Vlada povjeri, kao i izvršavanje zadataka koje im odredi odnosno povjeri premijer”.

Članak 18.

Članak 27. mijenja se i glasi:

“Premijer i ministri neće biti odgovorni u građanskom postupku za bilo koju radnju izvršenu u okviru njihovih dužnosti u izvršnim organima Kantona”.

Članak 19.

U članku 29. stavak 1. mijenja se i glasi:

“Uredbom se uređuju najvažnija pitanja iz nadležnosti Vlade, bliže uređuju odnosi za provedbu zakona i drugih propisa, utvrđuju načela za unutrašnje ustrojstvo organa uprave Kantona, utemeljuju uredi, službe i drugo”.

Stavak 2. istog članka mijenja se i glasi:

“Odlukom se uređuju pojedina pitanja ili propisuju mjere Vlade, osnivaju radna tijela Vlade, daje suglasnost ili potvrđuje akt drugih organa i organizacija i odlučuje o drugim pitanjima o kojima se ne odlučuje uredbom”.

Članak 20.

Članak 33. mijenja se i glasi:

“Za obavljanje određenih stručnih, tehničkih i drugih poslova za potrebe Vlade, premijera, kantonalnih organa i upravnih ustanova, Vlada može utemeljiti ured, službu i drugo.

Aktom o utemeljenju ureda, službe i drugo, utvrđuje se djelokrug, rukovođenje i druga pitanja od značaja za njihov rad”.

Članak 21.

Ovaj zakon stupa na snagu osmog dana od dana objavljivanja u “Službenim novinama Tuzlanskog kantona”.

Bosna i Hercegovina
Federacija Bosne i Hercegovine Skupštine Tuzlanskog kantona,
TUZLANSKI KANTON

Skupština
Broj: 01-02-582-12/04
Tuzla, 31. 1. 2005. godine

Predsjednik
Amir Fazlić, v.r.



SLUŽBENE NOVINE TUZLANSKOG KANTONA

GODINA 13 • TUZLA, PETAK, 10. NOVEMBAR 2006. GODINE • IZDANJE NA BOSANSKOM JEZIKU • BROJ 11

247

Na osnovu člana 24. stav 1. tačka c) Ustava Tuzlanskog kantona ("Službene novine Tuzlansko-podrinjskog kantona", br. 7/97 i 3/99 i "Službene novine Tuzlanskog kantona", br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 8. 11. 2006. godine, donosi

ZAKON

O DOPUNAMA ZAKONA O VLADI TUZLANSKOG KANTONA

Član 1.

U Zakonu o Vladi Tuzlanskog kantona ("Službene novine Tuzlanskog kantona", br. 17/00 i 1/05), u članu 20. iza stava 5. dodaje se novi stav 6. koji glasi:

"U slučaju preuzimanja mandata u zakonodavnom tijelu bilo kojeg nivoa Vlasti u Bosni i Hercegovini, od strane premijera Kantona i ministra finansija, premijer Kantona ovlastit će jednog od ministara u Vladi Kantona da predsjedava i rukovodi radom Vlade do potvrđivanja nove Vlade Kantona."

Član 2.

Ovaj zakon stupa na snagu narednog dana od dana objavljivanja u "Službenim novinama Tuzlanskog kantona".

Bosna i Hercegovina
Federacija Bosne i Hercegovine

Predsjednik
Skupštine Tuzlanskog kantona,
TUZLANSKI KANTON

Skupština
Broj: 01-02-686-2/06
Tuzla, 8. 11. 2006. godine

Mr. sci. Amir Fazlić, v.r.

248

Na osnovu člana 25. Poslovnika Skupštine Tuzlanskog kantona - prečišćeni tekst ("Službene novine Tuzlanskog kantona", broj 10/04), Skupština Tuzlanskog kantona na sjednici od 8. 11. 2006. godine, donosi

ODLUKU

O IZBORU ČLANOVA ADMINISTRATIVNE KOMISIJE SKUPŠTINE TUZLANSKOG KANTONA

I

U Administrativnu komisiju Skupštine Tuzlanskog kantona biraju se:

1. Fahrudin Skopljak - predsjednik
2. Nedžad Džafić - član
3. Mehmed Suljkanović - član
4. Emir Arnautalić - član
5. Refik Ahmedinović - član
6. Senahid Šaković - član
7. Azra Avdić - član

II

Članovi Komisije iz tačke I ove odluke vršit će funkciju do izbora stalnih članova Administrativne komisije.

III

Ova odluka stupa na snagu danom donošenja, a biće objavljena u "Službenim novinama Tuzlanskog kantona".

Bosna i Hercegovina
Federacija Bosne i Hercegovine

Predsjednik
Skupštine Tuzlanskog kantona,
TUZLANSKI KANTON

Skupština
Broj: 01-02-677-9/06
Tuzla, 8. 11. 2006. godine

Mr. sci. Amir Fazlić, v.r.

249

Na osnovu člana 26. stav 3. Poslovnika Skupštine Tuzlanskog kantona - prečišćeni tekst ("Službene novine Tuzlanskog kantona", broj 10/04), Skupština Tuzlanskog kantona na sjednici od 8. 11. 2006. godine, donosi

ODLUKU

O IZBORU ČLANOVA KOMISIJE ZA IZBOR I IMENOVANJA SKUPŠTINE TUZLANSKOG KANTONA

I

U Komisiju za izbor i imenovanja Skupštine Tuzlanskog kantona biraju se:

1. Enes Duvnjaković - predsjednik
2. Kazafer Bečić - član
3. Senad Alić - član
4. Mersed Šerifović - član
5. Mirza Kešetović - član
6. Besim Imamović - član
7. Suada Mujčinović - član

II

Članovi Komisije iz tačke I ove odluke vršit će funkciju do izbora stalnih članova Komisije za izbor i imenovanja.



SLUŽBENE NOVINE TUZLANSKOG KANTONA

GODINA 18 • TUZLA, SRIJEDA, 12. OKTOBAR 2011. GODINE • IZDANJE NA BOSANSKOM JEZIKU • BROJ 13

397

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 28.9.2011. godine, donosi

ZAKON O IZMJENI I DOPUNAMA ZAKONA O INSPEKCIJAMA TUZLANSKOG KANTONA

Član 1.

U Zakonu o inspekcijama Tuzlanskog kantona („Službene novine Tuzlanskog kantona“, broj 8/08), u članu 35., tačka d) mijenja se i glasi:

„d) Glavni kantonalni inspektor rada, zaštite na radu, socijalne zaštite i obrazovanja i“.

Član 2.

U članu 36., iza tačke m) dodaje se nova tačka n), koja glasi: „n) inspektor za obrazovanje, nauku, kulturu i sport,“.
Dosadašnje tačke n), o) i p), postaju tačke o), p) i r).

Član 3.

U članu 52., iza tačke m) dodaje se nova tačka n), koja glasi: „n) inspekcija za obrazovanje, nauku, kulturu i sport,“.
Dosadašnje tačke n), o) i p), postaju tačke o), p) i r).

Član 4.

Iza člana 65., dodaje se novi odjeljak 13a. i član 65 a., koji glase:

„ 13a. KANTONALNA INSPEKCIJA ZA OBRAZOVANJE, NAUKU, KULTURU I SPORT

Član 65 a. (Opis poslova)

Kantonalna inspekcija za obrazovanje, nauku, kulturu i sport vrši inspeksijski nadzor nad provođenjem zakona i drugih propisa koji se odnose na:

- zakonitost i uslove rada u predškolskim ustanovama,
- zakonitost i rad ustanova iz oblasti osnovnog odgoja i obrazovanja, srednjeg obrazovanja i visokoškolskih ustanova,
- ostvarivanje obrazovno-odgojne i naučno-nastavne djelatnosti,
- ostvarivanje nastavnih planova i programa,
- upotrebu udžbenika i nastavnih sredstava,

- uslove za upis u obrazovno-odgojnu i visokoškolsku ustanovu,
- postupak za izbor nastavnika i saradnika visokoškolskih ustanova,
- zakonitost i rad ustanova kulture i samostalnih stvaralaca u oblasti kulture,
- pozorišnu, muzejsku, arhivsku i estradnu djelatnost,
- status i djelovanje estradnih umjetnika,
- osnivanje i rad učeničkih i studentskih zadruga, članstvo u zadrugama, djelatnost, upravljanje i druga pitanja iz oblasti učeničkog i studentskog zadrugarstva,
- osnivanje, organizovanje i finansiranje udruženja i zajednica tehničke kulture i tehničko stvaralaštvo,
- osnivanje, izdavanje, uređivanje i prestanak rada javnih glasila,
- prava i slobode građana vezanih za javno informisanje,
- uslove i način obavljanja izdavačke djelatnosti, izdavanje udžbenika i drugih nastavnih sredstava,
- obavljanje i drugih inspeksijskih poslova u skladu sa ovlaštenjima datim u pojedinim zakonima i drugim propisima, a po nalogu glavnog kantonalnog inspektora i direktora Kantonalne uprave“.

Član 5.

Ovaj zakon stupa na snagu osmog dana od dana objavljivanja u „Službenim novinama Tuzlanskog kantona“.

Bosna i Hercegovina
- Federacija Bosne i Hercegovine -
TUZLANSKI KANTON
Skupština
Broj: 01-02-449-5/11
Tuzla, 28.9.2011. godine

Predsjednik
Skupštine Tuzlanskog kantona,
Bajazit Jašarević, v.r.

398

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99) i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 28.9.2011. godine, donosi

ZAKON O IZMJENAMA ZAKONA O VLADI TUZLANSKOG KANTONA

Član 1.

U Zakonu o Vladi Tuzlanskog kantona („Službene novine Tuzlanskog kantona“, br.17/00, 1/05 i 11/06) u članu 7. stav 1. alineje 11. i 12. mijenjaju se i glase:

«- ministar za rad, socijalnu politiku i povratak,
- ministar razvoja i preduzetništva,»

Član 2.

Ovaj zakon stupa na snagu narednog dana od dana objavljivanja u «Službenim novinama Tuzlanskog kantona».

Bosna i Hercegovina - Federacija Bosne i Hercegovine - TUZLANSKI KANTON Skupština Broj: 01-02-473-4/11 Tuzla, 28.9.2011. godine	Predsjednik Skupštine Tuzlanskog kantona, Bajazit Jašarević, v.r.
--	---

399

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“ br. 7/97 i 3/99 i „Službene novine Tuzlanskog kantona“ br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 28.9.2011. godine, donosi

ZAKON O IZMJENAMA I DOPUNAMA ZAKONA O POZORIŠNOJ DJELATNOSTI

Član 1.

U Zakonu o pozorišnoj djelatnosti („Službene novine Tuzlanskog kantona“, broj: 10/02), u članu 16. stavovi 3. i 4. mijenjaju se i glase:

„Upravni odbor pozorišta ima predsjednika i dva člana.

Jedan član Upravnog odbora imenuje se iz reda zaposlenih u pozorištu“.

U istom članu iza stava 8. dodaju se novi stavovi 9. i 10., koji glase:

„Privremeni Upravni odbor imenuje se u slučaju ukoliko dođe do razrješenja članova Upravnog odbora iz razloga navedenih u prethodnom stavu ovog člana, u slučaju kada se Upravni odbor ne može konstituisati u skladu sa ovim zakonom ili kada se postupak koji prethodi imenovanju ne okonča u zakonom utvrđenom roku.

Imenovanje privremenog Upravnog odbora vrši se na period do 60 dana“.

Član 2.

U članu 18. stav 2. mijenja se i glasi:

„Za direktora pozorišta može biti imenovano lice koje ima visoku stručnu spremu društvenog smjera ili ekvivalent, pet godina radnog iskustva iz oblasti kulture nakon sticanja stručne spreme, te da se odlikuje stručnim, radnim i organizacionim sposobnostima.

U istom članu iza stava 5. dodaje se novi stav 6., koji glasi:

„Isto lice može biti imenovano za direktora pozorišta kao javne ustanove najviše dva puta.

Stavovi 6. i 7. postaju stavovi 7. i 8.

U istom članu iza stava 8. dodaje se novi stav 9., koji glasi:

„Vršilac dužnosti ima sva prava i dužnosti direktora“.

Član 3.

U članu 22. iza stava 6. dodaju se novi stavovi 7., 8., 9. i 10., koji glase:

„Članovi Nadzornog odbora pozorišta kao javne ustanove mogu biti razriješeni dužnosti i prije isteka mandata ukoliko se utvrdi njihova odgovornost za neuspješan i nezakonit rad.

U slučaju razrješenja članova Nadzornog odbora, iz razloga utvrđenih u stavu 7. ovog člana, imenuje se privremeni Nadzorni odbor pozorišta.

Privremeni Nadzorni odbor pozorišta se imenuje i u slučaju kada se Nadzorni odbor ne može konstituisati u skladu sa ovim

zakonom ili kada se postupak koji prethodi imenovanju ne okonča u zakonom utvrđenom roku.

Imenovanje privremenog Nadzornog odbora pozorišta vrši se na period do 60 dana.“

Član 4.

U članu 40. u stavu 1. riječ „dvije“ zamjenjuje se riječju „četiri“.

Član 5.

Član 43. mijenja se i glasi:

„Nadzor nad zakonitosti rada pozorišta vrši Ministarstvo.

Inspeksijski nadzor nad provođenjem odredbi ovog zakona, propisa donesenih na osnovu ovog zakona, pojedinačnih akata, uslova i načina rada pozorišta vrši nadležna inspekcija“.

Član 6.

Danom stupanja na snagu ovog zakona nadležni organ će pokrenuti postupak razrješenja postojećeg i imenovanja Upravnog odbora pozorišta u skladu sa ovim zakonom.

Danom razrješenja Upravnog odbora iz stava 1. ovog člana nadležni organ je dužan imenovati privremeni Upravni odbor.

Lice koje je, prije stupanja na snagu ovog zakona, imenovano u pozorištu dva ili više puta za direktora ne može se ponovo imenovati za direktora ili vršioca dužnosti direktora pozorišta kao javne ustanove.

Danom stupanja na snagu ovog zakona Upravni odbor je dužan pokrenuti postupak razrješenja postojećeg i imenovanja direktora pozorišta kao javne ustanove u skladu sa ovim zakonom.

Danom razrješenja direktora iz stava 4. ovog člana Upravni odbor je dužan imenovati vršioca dužnosti direktora.

Član 7.

Pozorišta su dužna uskladiti svoju djelatnost i opće akte sa odredbama ovog zakona u roku od 60 dana od dana stupanja na snagu ovog zakona.

Član 8.

Ovaj zakon stupa na snagu osmog dana od dana objavljivanja u „Službenim novinama Tuzlanskog kantona“

Bosna i Hercegovina - Federacija Bosne i Hercegovine - TUZLANSKI KANTON Skupština Broj: 01-02-475-5/11 Tuzla, 28.9.2011. godine	Predsjednik Skupštine Tuzlanskog kantona, Bajazit Jašarević, v.r.
--	---

400

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“ br. 7/97 i 3/99 i „Službene novine Tuzlanskog kantona“ br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 28.9.2011. godine, donosi

ZAKON O IZMJENAMA I DOPUNAMA ZAKONA O MUZEJSKOJ DJELATNOSTI

Član 1.

U Zakonu o muzejskoj djelatnosti („Službene novine Tuzlanskog kantona“, broj: 10/02), u članu 10. u stavu 2., riječ „Strano“ zamjenjuje se riječima „Domaće i strano“.

U istom članu iza stava 2. dodaje se novi stav 3., koji glasi:

„Domaće i strano pravno ili fizičko lice koje vrši istraživanje na

Vlada Kantona će donijeti odluku o prenosu sredstava, opreme, dokumentacije, arhive i dr. sa Ministarstva industrije, energetike i rudarstva i Ministarstva razvoja i poduzetništva na Ministarstvo privrede.

Državni službenici i namještenici koji se zateknu u radnom odnosu u Ministarstvu obrazovanja, nauke, kulture i sporta, a koji rade na poslovima iz oblasti obrazovanja i nauke preuzimaju se u Ministarstvo obrazovanja i nauke danom početka rada tog ministarstva.

Državni službenici i namještenici koji se zateknu u radnom odnosu u Ministarstvu obrazovanja, nauke, kulture i sporta, a koji rade na poslovima iz oblasti kulture, sporta i informisanja preuzimaju se u Ministarstvo za kulturu, sport i mlade danom početka rada tog ministarstva.

Podjela sredstava, opreme, inventara, dokumentacije, arhive i dr. Ministarstva obrazovanja, nauke, kulture i sporta između Ministarstva obrazovanja i nauke i Ministarstva za kulturu, sport i mlade izvršit će se na osnovu odluke Vlade Kantona.”

Član 15.

U roku od 30 dana od dana stupanja na snagu ovog zakona izvršit će se usklađivanje kantonalnih zakona i drugih propisa sa odredbama ovog zakona.

Član 16.

Ovlašćuje se Zakonodavno-pravna komisija Skupštine Tuzlanskog kantona da utvrdi prečišćeni tekst Zakona o ministarstvima i drugim organima uprave Tuzlanskog kantona.

Član 17.

Ovaj zakon stupa na snagu osmog dana od dana objavljivanja u “Službenim novinama Tuzlanskog kantona”, a početak će se primjenjivati od 01.01.2018. godine.

Bosna i Hercegovina	PREDSJEDNIK
- Federacija Bosne i Hercegovine -	Skupštine Tuzlanskog
TUZLANSKI KANTON	kantona,
Skupština	
Broj: 01-02-401-10/17	Senad Alić, v.r.
Tuzla, 30.10.2017. godine	

583

Na osnovu člana 24. stav 1. tačka c) Ustava Tuzlanskog kantona (“Službene novine Tuzlansko-podrinjskog kantona”, br. 7/97 i 3/99 i “Službene novine Tuzlanskog kantona”, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 30.10.2017. godine, d o n o s i

ZAKON O IZMJENI ZAKONA O VLADI TUZLANSKOG KANTONA

Član 1.

U Zakonu o Vladi Tuzlanskog kantona (“Službene novine Tuzlanskog kantona”, br. 17/00, 1/05, 11/06 i 13/11), u članu 7. u stavu 1. alineja 4. mijenja se i glasi:

„- ministar obrazovanja i nauke,“.

U istom stavu alineja 7. mijenja se i glasi:

„- ministar privrede,“.

U istom stavu alineja 12. mijenja se i glasi:

„- ministar za kulturu, sport i mlade,“.

Član 2.

Ovaj zakon stupa na snagu osmog dana od dana objavljivanja u “Službenim novinama Tuzlanskog kantona”, a početak će se primjenjivati od 01.01.2018. godine.

Bosna i Hercegovina	PREDSJEDNIK
- Federacija Bosne i Hercegovine -	Skupštine Tuzlanskog
TUZLANSKI KANTON	kantona,
Skupština	
Broj: 01-02-505-4/17	Senad Alić, v.r.
Tuzla, 30.10.2017. godine	

584

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 30.10.2017. godine, d o n o s i

ZAKON O IZMJENI I DOPUNI ZAKONA O VISOKOM OBRAZOVANJU

Član 1.

U Zakonu o visokom obrazovanju („Službene novine Tuzlanskog kantona“, br. 7/16, 10/16 i 5/17), iza člana 135. dodaje se novi član 135a., koji glasi:

„Član 135a.

(Poseban način prelaska u završnu godinu studija)

Student prethodne godine studija kojeg na toj godini studija sustiže izmjenjeni nastavni plan i nastavni program, koji je ovjerio semestar i studijsku godinu a nije stekao uslov za upis u završnu godinu studija, ima pravo upisa završne godine studija bez utvrđivanja dodatnih obaveza za prethodnu godinu studija kao i za ostale godine studija koje je uspješno okončao.“

Član 2.

U članu 150. stav (1) mijenja se i glasi:

„(1) Student imatrikulant zatečen u tom statusu na dan stupanja na snagu ovog zakona ima pravo dovršiti započeti studij po nastavnom planu i nastavnom programu koji je važio prilikom upisa u prvu godinu studija i steći odgovarajući stručni, odnosno naučni naziv prema propisima koji su važili u vrijeme upisa na prvu godinu studija.“

Član 3.

(Stupanje na snagu)

Ovaj zakon stupa na snagu danom objavljivanja u „Službenim novinama Tuzlanskog kantona“, a primjenjuje se od akademske 2017/2018. godine.

Bosna i Hercegovina	PREDSJEDNIK
- Federacija Bosne i Hercegovine -	Skupštine Tuzlanskog
TUZLANSKI KANTON	kantona,
Skupština	
Broj: 01-02-503-7/17	Senad Alić, v.r.
Tuzla, 30.10.2017. godine	